

AÑ ÑANOM SAN JUAN PO'CARTA 1 SAN JUAN

Jesucristo ñeñt po'ñoñ pen Yompor, yañapa' al-lochña e'ñe yocrrerra

¹ Te'pa' o'ch neserrpare'tatas arr nequellcot ñeñt atet pena Jesucristo; ñapa' chocma eñall ama't ahuañoteñ ama't allempo ama ayeçhcatarettena' pats. Ñeñtña yapa' e'ñe ye'me't atet serrpare'tatysesye't allempo orrtosa arr patsro, ama't ya yeclloyoñpa' e'ñe yeñche't e'ñe allame'tets, ama't e'ñe ya yotoñpa' ya'pllabyese't. Ñeñtña Jesucristo ñapa' ñeñtña po'ñoñ penña Pompor Parets tarro'mar ñach e'ñe eñotaterre'ñaacheñenesha' atet oten Pompor Parets. Ñeñtña ña po'ñoñpa' po'ñoçh yapa' allochña corretsayach.

² Ñeñtña Jesucristo allempoacheñetos arr patsro yañapa' e'ñe yeñche't. Ñeñto'marña te' yapa'cho'ña chocma yeñotatenes samña. Ñeñto'marña yeserrpare'tatenes ñeñtña Cristopa' ñeñt alloch yocrrrena ama't tayoñteñ e'ñe errponañohuen. Ña ahuañpa' e'ñe parro'tsen epuet Pompor Parets. Te'ña atto orrtosnaya arr patsro yapa' e'ñe yeñche't e'ñe ye'me't atet serrpare'tatysesye't. Ñeñto'marña te' ya ñeñt atet yentyese't, ñeñt atet ye'myesoñe't, te'ñapa' o'ch yeserrpare'tatas samña.

³ Allochñapa' attoch allohuñey yeparrocmaterr epay Yompor Parets ñañma Puechemer ñeñt Jesucristo. ⁴ Ñeñto'marña nequellquënnas ñeñt

e'ñe po'ñočh yeñoten attochña sapa'čho'ña o'ch e'ñe socsherra samña.

Yomporpa' añ toma'ntena puetare' tarro'mar ñapa' e'ñech cohuen es orrtatyen

⁵ Añ ñoñets ñeñt ye'mapreyese' t Jesucristo, te'ñapa' o'ch yeserrpare'tatas. Ñeñtpa' atet eñotateney: Yomporpa' ña e'ñe cohuenare' es ñpa'yets, ñapa' e'ñe atet pena ñerra'm puetare' e'ñech cohuen yenteñ. Ñapa' ama't mameshapa' ama orrtatenanoña ñeñt ama cohuenayaye; ñeñt'marña yoten, ñeshopa' ama't coñe'tapa' ama eñalleña checmete'. ⁶ Yapa' ama't yoteneñ o' e'ñe yeparrocmaterr epay Yompor, tarraña ñerra'm ora yorrtatyen ñeñt ama cohuenaye' enteno ña, yañapa' atta yeshquén. Ñeñt'marcha' ña čach yottena ñerra'm checmeta yechope'chen tarro'mar ama e'ñe yeyčhena' ñeñt e'ñe po'ñočh cohuen enten Yompor. ⁷ Tarraña ñerra'm e'ñe cohuenare' es yorrtatyen atet pena Yompor, ñeñtñapa' e'ñe atet yepena ñerra'mrrate' arr yechope'chen puetaro e'ñe allo'tseney epay Yompor. Attoña allohuene y e'ñech cohuen yeparrocmatuen ñama Yompor Puechemer ñeñt Jesucristo ña po'rrasoña čhocma e'shennayña allohuene yo'chñar.

⁸ Tarraña ñerra'm čha yoten, "napa' amaca'ye eñalle no'chñar", ñeñtñapa' yañeñaca'ye shequëtsa tarro'mar Yompor poctapña ñeñt e'ñe po'ñočh cohuenpa' amaca'ye čhennayoña yeyočhro.

⁹ Tarraña ñerra'm čho ya'meten yo'chñar, Yomporñapa' e'ñech peretna'huerrnay allohuene yo'chñar, e'ñech e'shohuerrnay allohuene ñeñt

ama pocteye' entapretenye tarro'mar ñapa'
 ama puenesho po'ñoñ, ñapa' e'ñe pocte' es
 pen, ñeñt'marña ñapa' chocmach peretnerrey.
10 Ñama ñerra'm cha yoten, "napa' ama
 no'chña'tpeno", Yomporñapa' cha yottatateñ
 ñerra'mrrate' ñapa' atarr ashcañ tarro'mar
 po'ñoñpa' atet otene y aallohueneypa' e'ñe
 yo'chña'tuen. Ñeñtña po'ñoñpa' yañapa' ama't
 e'ñe mameshapa' ama chappennayoña yeoçhro.

2

Jesucristo ñeñt e'ñe cohuen eñets yocop Yompore-sho

1 Nechemerneshacha' te' socoppa' o'ch
 nequellconas attoch amach allo'na sepa'neno
 ñeñt ama't mameshapa' ama pocteye' enteno
 Yompor. Tarraña ñerra'm esesha' orrtatene'
 ñeñt ama cohuenayaye, ñerra'm o'ch enamuerr
 peretneñets, Yomporpa' o'ch peretner tarro'mar
 eñall yocop ñeñtcha' eñosets Apuesho. Ñeñtñapa'
 añ Jesucristo ñeñt e'ñe pocte' es pa'yets. **2** Ñapa'
 ña aparet attoch tsa'tuerrnaya yo'chñar. Ñeñtpa'
 ama e'ñe yaptecipayaye, añecpa'naña aallohueneypa'
 ñeñtay aña patsro'tsa'yeney.

3 Ñerra'm e'ñe po'ñoçh yame'ñerrñaña Yompor
 po'ñoñ ñeñt atet otene y allempoñapa' e'ñech
 po'ñoçh yeñoter ñeñt atet pena ña. **4** Ñeñt otets,
 ñapa' e'ño'eñoteñ atet pena Yompor, ñerra'm attera
 aþpare'tenan Yompor po'ñoñ ñeñt atet otene y,
 ñeñtña atet otetspa' ñapa' attaca'ye shequén.
 Ama't e'ñe mameshapa' ama cheññañoña

Yompor po'ñoñ pueyočhro ñeñt e'ñe po'ñočh atet oteney. ⁵ Tarraña ñerra'm esesha' e'ñe po'ñočh ame'ñerraya Yompor po'ñoñ ñeñt atet oteney, ña po'ñočhpa' o' morrenterrana Yompor e'ñe pueyočhrocmañen. Ñeñtpa' attoña yeñoteñ po'ñočhpa' o' yeparrocmaterr epay Yompor. ⁶ Ñerra'm esesha' otets, ñapa' e'ño' parrocmaten epuet Yompor, ñeñtepñapa' orrtatysesanepa'ña ñeñt atet pa'yeset Yompor Puechemer ñeñt Jesucristo.

Cristopa' ña orrtaterre' etserra morrentanna'teñets attochña e'ñe cohuen yemorrentannerra

⁷ O'ch masheñneshacha' ñañma nočhaneshacha' notas, ñeñt atet notenes nequellcoť te' amorrentanna'tpahuepa'ch sentannena allohuenes ñeñtpa' ama añeyaye ñoñets ñeñt ama se'mare. Ama't allempoteñ e'ñe errte' same'ñerrapa' allempoteñ se'muerrña ñeñt ñoñets ñeñtcha' atet sepa e'ñe cohuen ñeñtara Yompor po'ñoñ ñeñt e'ñe errtes e'muene' allempo. ⁸ Tarraña morrentanna'teñets ñeñt atet nequellquënnas te' ñeñtpa' e'ñe atet ñerra'mrrate' o' tayo' orrtatonasetña atet morrentanna'teñets, tarro'mar Cristo e'ñe po'ñočh orrtatonayña e'ñe etserra attoch e'ñe cohuen yemorrentanna'terra, ñeñt'o'marña sapa'cho'ña te'pa' o' e'ñe etserra sorrtaterrña samia attoch semorrentannerra. Morrentanna'teñets po'ñočhpa' ñeñtña atarr sherbets tarro'mar ora allohuen ñeñt ama cohuenaye' enteno Yompor, ñeñtñapa' allo'na sen huañuanmats. Ñeñtpa' e'ñe atet pena ñerra'mrrate'

checmete'pa' allo'na sen metuanmats. Allohuen ñeñt e'ñe po'ñočh cohuen enten Yompor, ñeñtpa' atet ñerra'mrrate' puetare', ñeñtña po'ñočh o' a'puetarsamperres.

9 Ñeñtña otets ñapa'čho'ña Yomporo' po'puetarenño'tsen tarraña ñerra'm orameñ e'moñe'tyenan pamo'ts, ñapa'čho' orameñ checmeto'tsena. **10** Tarraña ñeñt e'ñe po'ñočh muerenaya pamo'tsesha', ñeñtñapa' e'ñe Yompor po'puetarenño yečhena. Allñapa' ama eñalleña ñeñtcha' paterrayerr ñeñt ama pocteye' enteno Yompor. **11** Ñeñtña e'moñe'tyene' pamo'ts ñapa' orameñ checmeto'tsen. Ñañapa' atet pena ñerra'mrrate' puesheñarr ñeñt checmetach chopeñe'chyen, ama eñoteñe errenette'ña sen tarro'mar checmete'pa' ñeñta a'nataclle'chene'.

12 Nechemerneshacha' sa so'chñarpa' o' apretna'huaretterra Cristeshot, ñeñto'marña te'pa' atet nequellquënnas. **13** Ñaňa te'pa' o'ch notas samña allohuenes ñeñt̄es e'ñe pompornesha' penset. Sa te'pa' o' señoter Cristo ñeñt e'ñe ahuałoteñ eñall ama't e'ñe allempoteñ ama ayečhcatarettēna' pats; ñeñto'marña te'pa' atet nequellquënnas samña. Ñaňa te'pa' o'ch notas samña allohuenes ñeñt̄es huepueshares, sapa' o' e'ñe satpare'ter oneñeñ; ñeñto'marña socop te'pa' atet nequellquënnas samña.

Ñaňa sa nechemerneshacha' te' sapa' o' e'ñe señoter atet penaña Yompor Parets; ñeñto'marña te'pa' atet nequellquënnas e'ñe socop. **14** Ñaňa sa ñeñt̄es pompornesha' e'ñe penset, sa te'pa' o'

señoter Cristo ñeñ̄t e'ñe ahuañoteñ eñall ama't e'ñe allempoteñ ama ayeçhcatarettena' pats; ñeñ̄o'marña te'pa' atet nequellquënnas. Ñañ̄a sa ñeñ̄tes huepueshares, sapa' atarr ahuamencates tarro'mar Yompor po'ñoñpa' o' e'ñe çhaponasa seyoçhro ñeñ̄to'marña sapa' o' atarr sañpare'ter oneñet; ñeñ̄to'marña te'pa' atet nequellquënnas.

15 Amachña aña atarr semorrentatsto allohuen ñeñ̄t yentyen aña patsro tarro'mar ñerra'm aña atarr yemorrentena ñeñ̄t aña patsro'tsenpa' Yomporña Parets po'ñoçhpap' amach yemorrenteño, (ñeñ̄to'marña amach erroñenot çchaponayoña yejoçhro ñeñ̄t atet muenen ña). **16** Allohuen ñeñ̄t eñall aña patsro, atet ñerra'm ñeñ̄t atet muenatyeney yechets, ñañ̄a ñeñ̄t e'ñe yemnen ya o'ch e'ñe cohuen entapretenyet, ñeñ̄tña allohuenpa' ama Yomporeshoteye' hueno, ñeñ̄tpa' aña patsro'marnesha poçtapñña. **17** Allohuen ñeñ̄t yentyen aña patsropa' ñeñ̄tpa' atarr ahuañña, ñañ̄a ñeñ̄t yemnatse'tyen aña patsro ñeñ̄tpa'cho'ña atarr ahuañña. Tarraña ñeñ̄t atet petsa ñeñ̄t e'ñe atet muenen Yomporpa' ñeñ̄tñapa' amach huañerro ama't errponaña.

Ateñ pena cotapñats ñeñ̄t e'ñe po'ñoçh Yompor poçtapñña ñañ̄a atet pena po'poñ cotapñats ñeñ̄t she-quëñtsa

18 Te' nechemerneshacha' o'ch notas po'poñoneñ. Te'pa' o' mameshamerra o'ch huañerr allempochña mellapoterra. Ateñ se'myen te' ñeñ̄tpa' allempochña orrterra ñeñ̄tcha' atarr e'moñete're' Cristo pueyoçhreshohuen. O'

e'ñe tayoñeñ orretyesa shonte' ñeñt chocma e'moñe'tene' Cristo. Ñeñto'marña te'pa' yeñoteñ o' mellapoterrmocha. ¹⁹ Ama't ahuañmo'cha e'ñe parrocma yapčhañeñ ñetña te'pa' o' ahuanmuet ellonet o' sohuanerryet tarro'mar po'ñočhpa' ama allohuenacmaye' yeparrocmaterro. Ñerra'm po'ñočhcha' allohuenacmay yeparrocmaterreñ allempoña ñetpa' allo'tsa'yenetañafe' ñamet yesho. Tarraña te'ña ñetpa' o' ahuanerret ellonet attoña o' yeñoterranet po'ñočhpa' ama allohuenacmaye' yeparrocmaterro.

²⁰⁻²¹ Tarraña te'ña sapa' Cristoña sechorrate-nayaña Parets Puecamquëñ. Attoña allohuenes o' e'ñe señotuer. Sapa' o' e'ñe señotuerr ñoñets ñeñt po'ñočh, ñeñtpa' ama shequëñtsoyaye. Te' sapa' ama e'ñe sepallteñoťeye' nequellquënnaso ñeñt ateňt poctetsa socop. Tarro'mar sapa' señoteñ ñeñt ñoñets shequëñetspa' ama Yomporeshoteye' hueno tarro'mar ñeñt Yompor po'ñoñpa' ñeñtña e'ñe po'ñočh ama shequëñtsoyaye.

²² Te'ña sapa' señochepa'ch ñeñt atarr nanac ashcañtetsapa' ñeñtca'yeña otets Jesúspa' año' Cristoyaye ñeñt atarr yecuen ya ahuałoteñ ñeñtcha' llesenserr Yompor. Ñeñto'marña ñetpa' čha e'moñe'teñetña Cristo, ama čhoye' ame'ñeñeto, Pompore'naña ama ame'ñeññañeto, čha a'nasoteñet. ²³ Allohuen ñeñt a'nasotenaya Yompor Puechemer, ñetpa' Pompare'naña ama agüeññañeto. Tarraña allohuen ñeñt otets, Jesúspa' Yomporo Puechemer ñeñt Cristotets, ñetñapa' e'ñe agüeññañet Pompor.

²⁴ Ñeñto'marña o'ch notas, Yompor po'cohuenña

ñeñ̄t se'muerr ahuañmo'choteñ̄, te'ña sa atto o' e'ñe señoter seyočhro allo'nepa'ch sesen ame'ña'nmatsa allochñapa' attoch e'ñe cohuen separrocmaterr epas Yompor Puechemer ñama epas Yompor Parets. ²⁵ Jesucristopa' ateñ̄t otnerrey o'ch apuerrey e'ñe po'ñočh attochña yapa' corretsayach yocsheñeshocmañen tayoteñ̄ e'ñe erponañoohuen.

²⁶ Ñeñ̄t notenes añ̄ nequellcoñ̄ ñeñ̄tpa' añecpa nequellquënnas attoch sapa' e'ñe ch señoter allochñapa' attoch ama sa'shcareñterro. ²⁷ Tarro'mar Jesucristo o' chorratersa Parets Puecamquëñ̄, ñeñ̄to'marña sapa' ama sepallteno o'ch esesha' yečhatas tarro'mar ñapa' eñotatascha' allohuen. Ñama ñeñ̄cha' ateñ̄t yečhaterres ñapa' e'ñe ca'ye po'ñočh ateñ̄t, ñeñ̄tpa' ama shequëñtsoyaye. Ñeñ̄t ateñ̄t yečhatenes sapa' allo'nepa'ch sesen parrocmatenaya Cristo.

²⁸ Te'ña nechemerneshacha' allo'nepa'ch sesen parrocmatenaya Cristo allochñapa' ñerra'm esempoch huerra ñapa' ñachña e'ñe seyemtapuerra attoch sapa' amach čha sepencapuero ñerra'm esempoch huerra. ²⁹ Ñehua, sa te'pa' o' e'ñe señoter Jesucristo ñapa' e'ñe pocte' es pa'yen. Ñeñ̄to'marña señocheña'ch ñama allohuen ñeñ̄t e'ñe pocte' es orrtatyets ñeñ̄tñapa' e'ñe po'ñočh puechemer peñ Yompor.

3

Yomporpa' e'ñe puechemeresha' peney

¹ Te' sapa' čhosaña e'ñe cołape'cherre', Yomporpa' atarrca'ye nanac morrentena. Ña

e'ñe puemorrenteñótey ñapa' e'ñe puechemer peney, ñeñto'marña yapa' e'ñe po'ñočh Yomporena'tarey. Ñeñto'marñaacheñenesha' arr patsro ñeñt ama ame'ñetso ñetñapa' ama eseshaye' eñotenayeña ñeñt atet yoctape'chyen Yomporecop tarro'mar Yomporpa'cho'ña ama eseshaye' eñotenaye ñeñt atet coñape'chen ña.

² O'ch masheñneshacha' ñama nochaneshacha' o'ch alla noterrserr, te'ña yapa' e'ñe po'ñočh puechemer peney Yompor. Ama't ama e'ñe eñotatenya' erroteneycha'ña ya esempohuañen tarraña yapa' e'ñe yeñoteñ ñerra'm esempo orterra Jesucristo, yañapa' e'ñech attey yamá ñerra'm ña tarro'mar allempo yapa' yentercha' ñeñt atet atarr cohuentena ña. ³ Allohuén ñeñt atet ame'ñetsa, ñetña e'ñe pueyemteñótet cohuame'teñet, attoña ñetpa' e'ñech cohuen a'cohuentataetterret ñamet e'ñech attet ñerra'm Jesucristo ñeñt e'ñe cohuenare' es orrtatyets.

⁴ Allohuén erra'tsen ochña'tetspa' ñeñtñapa' cha atpare'tenan Yompor po'ñoñ ñeñt atet anaret. Tarro'mar ñerra'm esempo yałpare'ten ñoñets ñeñt atet anaret, ñeñtña yapa' chach yeören yo'chñar. ⁵ Sapa' e'ñe señoteñ Cristo ñapa' tarro'mar huapa arr patsro ñach ahuanerre' ya yo'chñar ama't ñapa' ama eñalle po'chñar ama't coñe'ta. ⁶ Ñeñto'marña allohuén esesha'ch parrocmarkerre' Cristo, ñetñapa' ama ñoye' ochña'tare'teneto. Tarro'mar ñeñt atarr ochña'tare'tetspa' ñeñtñapa' ama puentaranona Cristo, ama ñeñtñañoña pueyočhro ñeñt atet pena Cristo. ⁷ Nechemerneshacha' sapa' señochepe'a'ch ñeñtcha' atet noterrserr te', allochñapa' attoch

amach esesha' seshquërraye. Po'ñočh ñeñt orrtatyene' ñeñt e'ñe pocte' enten Yompor, ñeñtña po'ñočhpa' e'ñe cohuenacheñer, e'ñech atet pena ñerra'm Cristo ñeñt e'ñe pocte' es pā'yets.

⁸ Tarraña ñeñt chocma orrtatyene' ñeñt ama pocteye' enteno Yompor, ñeñtñaacheñerpa' po'ñočh oneñetena'tar, tarro'mar oneñetpa' e'ñe ahuatoteñ ñapa' aña orrtatyenes ñeñt ama't mameshapa' ama pocteye' enteno Yompor. Ñeñt'o'marña Yompor Puechemerpa' huapa, allochñapa' ñach e'nuerre' atet pātse'tyena oneñet.

⁹ Allohueney ñeñfey po'ñočh eñalletertsa Yomporočpa' amach allo'na yo'chña'tare'tneno tarro'mar yapa' o' yeycherrñañ ñeñt atet pena Yompor Parets. Yapa' po'ñočhpa' o' yeñalleterra Yomporočt ñeñt'o'marña amach errotenot alla yo'chña'tare'terre'te. ¹⁰ Arrpa' attoña yeñoteñña ñeñt Yomporena'tar ñamá ñeñt oneñetena'tar. Allohuen ñeñt ama pocteye' es orrtatyetso ñeñt ama morrentenaye pamo'tsesha', ñetñapa' amaca'ye Yomporena'tareyayeto.

Amorrentanna'tpahuepa'ch yentannena e'ñe allohueney

¹¹ Añ ñoñetspa' e'ñe ahuatoteñ eñotatasete' amorrentanna'tpahuepa'ch e'ñe allohueney.

¹² Amach atet yeñatsto atet pā ahuat Caín, ñapa' oneñetena'tara. Ñañapa' pa'mo'nasheña muetsa. Tarro'marca'yeña muetse ñapa' amaca'ye cohuenaye' cołape'che'te; pa'mo'nasheñña Abel ñeñt muetsa, ñañapa' e'ñe cohuen cołape'che't Yomporecop.

13 Ñeñto'marña masheñneshacha' ñamáa nochaneshacha' e'ñepa'ch señota sapa' ñeñto'marcha'ña e'moñe'tasñaacheñenesha' añ patsro ñeñt ama ame'ñetso. **14** Tarraña ya e'ñe yemorrenteño yamo'tspa' e'ñe yeñoteñ yapa' o' yemtanerrña allcha' e'ñe poctacma yerromuerreñ. Yapa' o' yeçherr allña yapa' corretsayach. Ñeñtña ama muerenayo pamo'ts ñetñapa' allo'tsenareta allcha' e'ñe rromuerret e'ñe poctacma. **15** Allohuen ñeñt çha e'moñe'tyenan pamo'tspa' ñeñt po'ñoçhpa' amtsaña enteñña Yompor. Ama't e'ñe sapa'cho'ña señoteñ ñeñt amtsañpa' pueyoçhropa' ama eñalleña attoch ñapa'cho'ña corretsach tayoñeñ e'ñe errponañohuen. **16** Arrpa' attoña e'ñe yeñoteñña ñeñt atet penaña e'ñe po'ñoçh morrenteñets, attoña Jesucristopa' a'rroya ñañeña attoch rroma yocop. Yapa'cho'ña e'ñepa'chña pocte' yeñich o'ch ya'rroya yañeña attoch yerroma yamo'tseshacop. **17** Tarraña yaña ñerra'm yechyen attoch e'ñe cohuen yocrrena arr patsro, allempo yenteñ yamo'ts çha atarr es pallta'yenet yañapa' ama yemorrenteño, Yomporpa'cho'ña ama't e'ñe mameshana' amaca'ye yemorrenteñoña yeyoçhro. **18** Amach nechemerneshacha' e'ñe yeñioñochaya yotanna'tatsto atarr yemorrentannena. Chochña yorrtatyesña yemorrenteña e'ñe po'ñoçh atet es yepa'yen po'psheññecop e'ñe cohuen.

Attoch e'ñe cohuen yejemtera Yompor

19 Alloña yapa' e'ñech yeñotena yapa' e'ñe po'ñoçhey ñeñtey atet petsa e'ñe cohuen.

Ñeñto'marña yapa' e'ñech yeñmataten yeyo'cher Yomporeshonet. ²⁰ Tarro'mar ñerra'm ama e'ñe yeñmañeshocmaye' es yeþa'yeno Yomporecop, Yomporñapa' elloña e'ñe po'ñoch atet eñoteney tarro'mar ñapa' ña atarr eñotañesha'. ²¹ Tarraña nechemerneshacha' ñerra'm e'ñe yeñmañeshocmañen es yeþa'yen Yomporecop ñeñtepñapa' Yomporcha'ña e'ñe cohuen yejemtena. ²² Atto yame'ñerrñaña po'ñoñ ñeñt atet oteneys, ñapa' atarr coshenya; ñeñto'marña ñerra'm es yenamueñ, ñapa' chocmach e'ñe po'ñoch apueney. ²³ Yompor po'ñoñot atet oteneys o'ch e'ñe cohuen yame'ñerrñaña Puechemer ñeñt Jesucristo. Ñama oteneys amueranna'terrapo'ch allohueneys, atet oteneysña ña. ²⁴ Erra'tsencha' e'ñe cohuen ame'ñenaya Yompor po'ñoñ ñeñt atet oteneys, ñetñapa' e'ñe parrocmatenet epuet Yompor. Ñeñto'marña yeñoteñ yeparrocmaten, Parets Puecamquëñot ñeñt chorrateya ñeñtña yeñotatene'ña e'ñe yeparrocmateña Yompor.

4

Attoch yeñoch erra'tsente'ña ñeñt e'ñe po'ñoch eñoraten Yompor Puecamquëñ; attoch yeñoch ñama ñeñt epatare'tene' Yompor poctaþña

¹ Ñama te'pa' o'ch masheñneshacha' ñama nochaneshacha' noterrserr, sapa' ñato't same'ñena'ña allohuen pa'namen coþapñats tarro'mar ñetpa' ama't otetenetañ Partso' Puecamquëñ eñoratenahuet, sapa' chocña señotypesña ñeñt pa'namen coþapñatser attochña sapa' e'ñe señoch erra'tsente'ña ñeñt e'ñe

po'ñočh huetsa Yomporeshot. Tarro'mar shonteñ ñeñt otetseñ ñetpa' Yomporo' po'ñoñ a'mitenet tarraña ñeñtpa' ama Yomporeyaye po'ñoñ. Ñeñtpa' erraþaren o' orretyesa añ patsro. ² Arr sapa' alloch señoch erra'tsent'eña e'ñe po'ñočh eñoratenña Parets Puecamquëñ: Erra'tsencha' otats Jesucristopa' ña po'ñočh partsoñacheñetos arr patsro, ñeñtña coþapñatserpa' e'ñe po'ñočh Parets Puecamquëñ eñoratene'. ³ Erra'tsencha' ñeñt amach atteye' otetso Jesúscop, ñeñtña coþapñatserpa' ama po'ñočh Parets Puecamquëñ eñoratenahueto. Ñeñtpa' ñeñtña po'ñočh e'moñe'tene'ña Cristo ñeñt atet se'mare'tyeset o'ch huapa. Te'ñapa' o' orrtonaya añ patsro.

⁴ Saña po'ñočh nechemerneshacha' e'ñe po'ñočh Yomporena'tares tarro'mar sapa' ama aña se'mñoteno atto pa'namenot shecare'tyenetañ. Yompor Puecamquëñ ñeñt sechorrenayapa' ñeñtña sapa' atarr ahuamencattatenes. Ñeñtña chorrenaya añ patso'marnesha'pa' ñapa' ama e'ñeye' ahuamencattatenaneto. ⁵ Ñeñtña shecare'tyets e'ñe ñet poctaþñoñet po'ñočhpa' patso'marnesheta. Ñeñto'marña ñerra'm eñosetpa' añach serrpare'tyenet ñeñt patso'marecpa. Ñeñto'marña ñetpa' patso'marneshach e'mñotenahuet. ⁶ Yaña po'ñočhpa' Yomporena'tarey. Ñeñt po'ñočh eñotene' Yompor, ñetñapa' e'ñech cohuen e'mñoteneyet ya. Ñeñtña ama Yomporena'tareyaye, ñetñapa' amach e'mñoteneyeto. Yapa' alloña

yeñotenña coتاpñats ñeñt po'ñočh huetsa Yomporeshoť attoña yeñotenña ñaňma coتاpñats ñeñt shequëñets.

Atto Yomporpa' ña atarr amorrentaňtetsa

7 Masheñneshacha' ñaňma nočhaneshacha' amueranna'tpahuepa'ch allohueneý tarro'mar ñeñtpa' Yomporeshoť huena. Allohueneý amorrentñapa' ñetpa' o' eñalleterret Yomporoť, po'ñočh o' eñoteret ñeñt atet pena Yompor. **8** Ñeñtña ama amorrentñopa' ñiocpuetpa' ama eñoteñetoña atet penaña Yompor, tarro'mar Yompor ñapa' ña atarr amorrentaňtetsa. **9** Añpa' Yompor orrtate' yocop allochñapa' yapa' o'ch yeñoter Yomporpa' atarr morrentenya. Attoña mueñan Puechemer arr patsro ñeñt po'paťrror pen attochña yapa' corretsayach e'ñe ñeshoť. **10** Arrpa' all orrtatonay Yompor ñeñt e'ñe po'ñočh morrenteňets: Allempo ya ama't mameshapa' ama yemorrentpeño Yompor, ñaňapa' allempoteň atarr morrentenya ya. Ñeñto'marña ñapa' mueñonay Puechemer ñeñtcha' yetsa'terroya yo'chñar.

11 Ñeñto'mar masheñneshacha' atto Yomporpa' atarr nanac morrentenya, yapa'cho'ña e'ñepa'chña yemorrentanna'tuena allohueneý. **12** Yomporpa' ama esesha' puentare. Tarraňa ñerra'm e'ñe yemorrentanna allohueneý, po'ñočhpa' e'ñe yeparrocmen epay Yompor. Ña puemorreňapa' e'ñech chorrenya poctacma. **13** Ña atto apuerrey e'ñe ña Puecamquëñ ñeñtña yeñotatene'ña yapa' e'ñe yeparrocmen epay

Yompor. ¹⁴ Ñāma yapa' e'ñe yentuoñet Yompor Puechemer ñeñto'marña ya te'pa' o' ya'potonas samia atto Yompor po'ñochpa' mueñonay Puechemer ñeñtcha' ya'queshpaterre' ya ñeñtey yečha'yetsa añ patsro. ¹⁵ Ñeñt ame'ñenaya Jesúś ñapa' po'ñoch e'ñe Yomporo Puechemer, ñetñapa' e'ñe parrocmatenet epuet Yompor.

¹⁶ Attoña ya te'pa' e'ñe yeñoteñ ñāma yame'ñeña atto Yomporpa' atarr morrentenya. Yompor ñapa' ña atarr amorrentañtetsa. Ñerra'm e'ñe po'ñoch yemorrentannena po'ñochpa' o' yeparrocmaterr epay Yompor. ¹⁷ Attoña yapa' e'ñech cohuen yemorrenteña Yompor e'ñe poctacma, allochñapa' yapa' amach yemcha'nañotayaya yeyemtero Yompor ñerra'm esempohuañen eñotatyesuerrey e'ñe errotencha' entyesuerrey. Tarro'mar e'ñe atet pena Jesucristo, yapa'cho'ña e'ñech atet yepena yama arr patsro. ¹⁸ Ñerra'm po'ñoch yemorrenteña Yomporpa' amachña čha yemcha'teñe. Tarro'mar atto e'ñe poctacma cohuen yemorrentannena epay Yompor, ñeñtña po'ñoch yehuapore'tam̄pene'ña yemchañ. Ñerra'm esempo čha es yemcha'tenpa' attoña e'ñe yañeña coñchatetsa. Ñāma ñerra'm orameñ yemcha'ten amaca'ye e'ñe yeyčhena'ña attoch e'ñe cohuen yemorrentannena e'ñe poctacma.

¹⁹ Yomporpa' o' e'ñe morrenterrya yanom, ñeñto'marña yapa'cho'ña te'pa' o'ch e'ñe yemorrentera yama. ²⁰ Ñerra'm esesha' otets, ñapa'cho'ña e'ño' cohuen morrentenana Yompor, tarraña ñerra'm čha e'moñetyenan pamo'ts, ñeñtña atet otetspa' attaca'ye shequën. Atto

ama morrentenano pamo'ts ama't ñeñtpa' e'ñe enteñ, amach errotenoť morrentanoña ñamá Yomporña' tarro'mar ñeñtpa' amaca'ye čhoye' enteñe. ²¹ Yompor po'ñoň ñeñt yotene': Ñerra'm po'ñočh yemorrenteña Yompor, yamo'tspa'čho'ña e'ñepa'chñia cohuen yemorrentenanet.

5

E'ñe yeyemteñoť Cristo čhocomach pomnaren yepen allohuen ñeñt ama pocteye' enteno Yompor arr patsro

¹ Allohuney erra'tseneycha' ame'ñerraya Jesúspa' ña Cristotats ñeñteyña yapa' o' e'ñe puechemer perrey Yompor. Ñehua, yeñoteň arr patsro ñerra'm yemorrenteña puesheñarracheň ñeñt achemereshať, puechemeresha'naña e'ñe yemorrentuena. ² Ñeñto'marña yeñoteň ñamá ñerra'm esempo yemorrenteña Yompor ñamá yame'ñerrñaña po'ñoň atet otaney, aňe'naña e'ñe yemorrentuena ñeñt puechemeresha' pen Yompor. ³ Atto yemorrenteña Yompor čhoch yame'ñerrñaña po'ñoň ñeñt atet otaney. O'ch e'ñe yepena ñeñt atet otaney, ñeñtpa' ama torrapahuoyaye. ⁴ Tarro'mar allohuney ñeñtey puechemer pen Yompor, yaňapa' e'ñe yeyemteñoť Jesús čhocomach pomnaren yepen allohuen ñeñt ama pocteye' entyeno Yompor arr patsro. ⁵ Allohuen ñeñt ame'ñenaya Jesús ñapa' Yomporo' Puechemer, ñetña e'ñe ñaptet pomnaren penetña allohuen ñeñt ama pocteye' entyeno Yompor arr patsro.

Allpon ñeñt yeñotaterre' Jesucristopa' e'ñe po'ñočh Yomporeshot huapa

6 Ñeñta Jesucristo allempo huapa arr patsro eñall ñeñt yeñotaterre'ña ñapa' e'ñe po'ñočh Yomporeshot huapa. Ñeñt ñanompa' allempo atto apataretta Yomporecop oño. Tarraña ama e'ñe ñapta oña yeñotataye ñapa' e'ñe po'ñočh Yompor Puechemer. Po'rraso naña yeñotate'ña allempo acorso'tam̄psareterra; ñapa' e'ñe po'ñočh Yompor Puechemer. Ñama Parets Puecamquëñ ñeñtpa'cho'ña ña yeñotaterre'ña Jesúspa' e'ñe po'ñočh Yompor Puechemer tarro'mar Parets Puecamquëñpa' erroten es eñotateney ñeñtpa' e'ñe po'ñočh atet. **7** Ñama eñall ma'pa ñeñt pue'ntaño'tsen ñeñtña yeñotatene'ña ya. Ñeñtpa' Yompor Parets ñama po'ñoñ ñama Puecamquëñ. Ñetpa' ama't ma'po'maret e'ñe pañrra atet petsa. **8** Ñama arr patsro eñall ma'pa ñeñtña yeñotatene' Jesúspa' ña po'ñočh Yompor Puechemer. Ñeñtpa' Parets Puecamquëñ, allotpa' oñ allempo apataretta Yomporecop allotpa' ñama po'rreas atto acorso'tam̄psareterra. Ñetpa' ama't ma'po'maret eñotatenet, e'ñe pañrra eñotatyenet ñeñt Jesús ñapa' e'ñe po'ñočh Yomporo Puechemer. **9** Nehua, arr patsro chocma e'ñe pocte' yenteñ ñeñt atet eñotateneyacheñ tarro'mar ñeñtpa' chocma sherboney. Ñama ñeñt atet eñotateney Yompor elloña ñeñtpa' atarr nanac sherboney. Tarro'mar ñeñtpa' e'ñe ña Puechemerecop eñotateney Jesúspa' Yomporo Puechemer. **10** Nerra'm esesha'ch ame'ñerraya Yompor Puechemer, ñeñtñapa'

echerrancha' e'ñe ña pueyočhro ñeñtcha' eñotaterre' e'ñe pocte' o'ch e'ñe yemterrana Jesucristo ñeñt e'ñe po'ñočh Yompor Puechemer. Ñeñtña ama ame'ñenayo Yomporpa' čha ottatateñ ñerra'mrrate' ñapa' atarr ashcañ tarro'mar ñeñtacheñerpa' ama ame'ñenano Yompor ñeñt atet eñotateney Puechemerecop. ¹¹ Yomporpa' atet eñotateney atto yapa' apuey Puechemer, e'ñe ñeshočhia yapa' corretsayach yocsheñeshocmañen tayočeñ e'ñe errponañoħuen. ¹² Ñeñtña agüerre' Yompor Puechemer aňe'naña o' agüerret attočhia ñetpa' corretsetach tayočeñ e'ñe errponañoħuen. Aňña ñeñt ama agüerraye Yompor Puechemer, ñetñapa' amach esesha' agüerraye alloch correrret.

All pa'namen cotape'chatnerranet e'ñe allohuamen allempo so'tnerranet po'cartot

¹³ Ñeñt allpon o' nequellconas sa ñeñt̄es ame'ñenaya Yompor Puechemer, sapa' ñeñtcha'ña señotaterre' po'ñočh sapa' corretsasach socsheñeshocmañen e'ñe tayočeñ errponañoħuen.

¹⁴ Yapa' e'ñe yeyemteñočh Yompor ñeñt'o'marña yeñoteñ es yenam̄ ñeñt pocte' enten ña, yapa' chocmach e'mñoteney. ¹⁵ Ñama atto yeñoteñ ñapa' chocma e'mñoteney ñerra'm es yenam̄ ñeñt'o'marña yeñoteñ e'ñe allorocma o' yo'patatarella ñerra'm escha' yenamueñ.

¹⁶ Ñerra'm eseshascha' eñote' samo'ts ñeñt atet pene' ñeñt ama pocteye' enteno Yompor, ñeñtña po'chñarpa' ñerra'm ama añecpayaye alloch rromuerr attočh chenquërra e'ñe poctacma, sañapa' aňcha' senamoñ Yompor attočh ñach

a'crraterre' e'ñe puecamquëñoñ. Yomporpa' o'ch a'crrater ñerra'm po'chñarpa' ama añecpayaye alloch rromuerr attoch chenquërra e'ñe poctacma. Po'ñoñchpa' eñall yo'chñar alloch yerromuerr attoch yechenquërra e'ñe poctacma. Ñeñto'marña napa' ama añecpaye' notenso sapa' chocmach sema'yochampeña ñeñtcha' chenquërrtsa e'ñe ña patpare'teññ. ¹⁷ Nehua, yeñoteñ allohuen ñeñt ama pocteye' enteno Yompor ñeñtpa' ochñateñets enteñ Yompor. Tarraña eñall ñama ochñarets ñeñtpa' ama aneyaye ñeñt alloch yerromuerr attoch yechenquërra e'ñe poctacma. ¹⁸ Yeñoteñ allohueney ñeñtsey po'ñoñch eñalletertsa Yomporoñpa' amach allo'na yepa'neno ñeñt ochñarets enten Yompor. Tarro'mar Yompor Puechemerpa' chocma cohuanpeney ñeñto'marña oneñetpa' ama't e'ñe mameshapa' amach alla erroñ Perrye'te.

¹⁹ Te'ña yapa' yeñoteñ o' yeyomporena'tarterra ya. Po'potantaññaacheñenesha' arr patsro ñeñt ama ame'ñetso, ñetñapa' aña yochresha'tenahuet oneñet.

²⁰ Yañapa' yeñoteñ ñeñt Puechemer pen Yomporpa' ñañapa' o' huapa. Ñaña yeçchapaterre'ña yeyoñchro attochña yapa' o'ch yeñoter Yompor ñeñt e'ñe po'ñoñch Parets. Ñeñto'marña yeñoteñ o' yeparrocmaterr epay ñeñt e'ñe po'ñoñch Yompor Puechemer ñeñtpa' Jesucristo. Attoña yapa' o' e'ñe yeñoter Yompor ñeñt e'ñe po'ñoñch Parets, ñeñtña yapa' allochña e'ñe corretsayach yocsheñeshocmañen tayoñteñ e'ñe errponañohuen. ²¹ Te'ña nechemerneshacha'

sapa' e'ñech señotnoma, ñato'tña seyomporer
sepeña'ña po'poñ ñeñt ama po'ñočh Partsoyaye.
Te'pa' ñeñtach notas, ñeñtpa' attetepa'ch
Nompore. Allohua.

Juan

**Yompor Po'ñoñ ñeñf attō Yepartseshar
Jesucristo e'ñe etserra a'poctaterrnay
Yomporesho**

New Testament in Yanesha' (PE:ame:Yanesha')

copyright © 2008 Wycliffe Bible Translators, Inc.

Language: Yanesha'

Translation by: Wycliffe Bible Translators, Inc.

Yanesha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanesha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

fa985bb4-fad0-5968-9ee4-626b89cba24f